



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

Beati, Gabriele

Augustæ Vindelicorum, 1729

VD18 90108957

46 An metus, ad extorquendum actum injuste incussus, ejus valorem, jure positivo, impedit.

urn:nbn:de:hbz:466:1-39908

19 Tertiò : Contractus metu iniusto celebratos , esse rescindendos , siue metus ab altero Contrahente incusus fuerit , siue ab aliquo tertio . Tum quia , res illa , per contractum metu iniustum acquisita , ad quemcumque possessori transit eo vi-
tio affecta , vt habetur expreſſe l. si cum exceptione . 14. §. in hac actione . ff. de eo quod met. caus. Tum quia metum passus , ob iniuriam sibi illatam , habet ius rescin-
dendi contractum factum ; habet enim

ius , vt sibi detur satisfactio , & iniuria facta reparetur ; Hæc autem alia via reparari non potest , quam contractum factum rescindendo , & res in suum pri-
stimum statum restituendo .

Quarto : Contractus , metu iniusto cele- 20
bratos , nullo modo esse irritandos , quia contractus metu iniusto initi rescinden-
di sunt , solùm ratione iniuriæ , metum passo illatæ ; hæc autem omnino cessat , quando metus est iuste illatus .

QVAESTIO XLVI.

*Anmetus , ad extorquendum actum , iniuste incusus , eius
valorem , iure positivo , impedit .*

C A S U S .

TITIVS , vnicum beneficium , quod habebat , graui metu compul-
sus , renunciauerat . Volens autem ad Sacros Ordines promo-
ueri , nec habens patrimonium , putansque , renunciationem illam ,
metu factam , non tenere ; ad titulum illius Beneficii promoueri voluit .
Quærirur : an potuerit .

SVMMARIVM .

- 2 Beneficii resignatio , metu extorta , iure saltem positivo videtur irrita .
- 5 Sicut est irrita electio ad beneficium .
- 6 Qui actus , metu extorti , à iure ir-
ritentur .
- 8 Huiusmodi resignatio non est irrita , sed
irritanda .
- 9 Sicut nec iuramentum , simili metu
factum .
- 10 A iure solùm precipitur irritanda .
- 11 Si addatur incarceratio , à iure irri-
tatur .

12 Rescissio renunciationis , est tacita be-
neficii collatio .

13 Etiam electio metu extorta specialiter
à iure irritatur .

14 Resignans , ante rescissionem , fructus
percipere non potest .

15 Nec officium recitare tenetur .

16 Et si beneficium possideat , sine titulo
possidet .

RATIONES DVBITANDI .

Proposito , quod actus , metu etiam iniusto ,
extortus ; neque ex defectu consen-
sus , neque ratione iniuriæ , iure naturæ
fit

Hh 3

fit inualidus. Quæritur, an saltem ratione iniuria sit inualidus, iure positino. Videtur enim esse; & consequenter Titium, ad titulum beneficij, ex metu, renunciati, promoueri potuisse. Ita Basil. de Leon. lib. 4. c. 8. num. 16. & Nau. inc. accepta de rest. spol. oppos. s. nu. 5. ait se longo tempore eam docuisse.

3 Primò: quia renunciatio illa, cum metu facta fuerit, videtur ipso iure fuisse irrita; in Clementina enim: multorum. 2. de pœnis. decernitur beneficiorum resignationes, modo supradicto extortas, licet à Resignantium Prælatis receptæ, aut ratæ habitæ fuerint, nullius omnino esse firmitatis. Idemque videtur colligi ex c. Abbas: de his que vi. Si autem resignatio fuit inualida, iam Titius retinet titulum beneficij, vnde ad ipsum ordinari potest.

4 Secundò: Quia, qui renunciat Ecclesiam ex metu, restituitur ad illam sine noua collatione; vt constat ex c. ad aurem. de his que vi. Ergo lignum est, per talem beneficij renunciationem, titulum non amisisse; & in c. ad audienciam. dicitur; beneficij renunciationem metu factam, firmitatis robore carere debere. Cùm ergo beneficij resignatio, metu graui fuerit à Titio facta, ipso iure irrita fuit, ac proinde Titius, titulum beneficij adhuc retinet, ad quem propterea ordinari potuit.

5 Tertiò: Quia electio ad beneficium, metu facta, ipso iure, est irrita; Ergo idem dicendum est de beneficij resignatione; eadem enim est ratio.

NOTABILE.

ADuertendum est. Ius posituum, non omnes actus, aut contractus, metu iniusto extortos generaliter ipso facto irritasse, sed solum aliquos. Hi autem sunt. Primò: Matrimonium, ex c. veniens 2. de spons. & c. 2. de eo, qui duxit in Matrim. c. requisivit. & cap. gemma; de sponsal. Secundò: Sponsalia: ex c. literis; de Sponsal. Impub. Tertiò: Professio Religiosa, ex c. perlatum. de his que vi. quod ad quodlibet Votum extenditur. Quartò: Absolutio à Censuris; ex c. vni: de his, que vi. in 6. Quintò: Reum Ecclesiæ promissio, vel traditio; ex c. peruenit. de iureiur. Sextò: Testes coacti, in testamento exhibiti. L. qui testam. §. vlt. ff. de testam. Septimò: Denique promissio, vel obligatio, facta in gratiam illius, qui aliquem metu graui in carcerem coniecit, vel detinet. L. qui in carcerem. ff. de eo quod met. causa. reliquos tamen omnes, decernit esse irritandos; in L. vlt. C. de his, que vi, & L. si cum except. 14. §. in hac actione. ff. de eo, quod metus causa; vt sic saltem reparetur iniuria, dum res in pristinum statum restituuntur. Hoc posito,

RESOLVTIO.

REpondetur, Titium ad titulum beneficij promoueri non potuisse, Nau. loco cit. num. 7. Azor. lib. 1. cap. 11. queſt. 9. Reginald. tom. 2. lib. 3. c. 23. s. 2. n. 333. Lessius lib. 2. c. 17. d. 6. num. 37. & alij apud istos.

Primò:

8. Primo: Quia beneficij resignatio quamvis metu facta, non fuit tamen ipso iure irrita, sed solum irritanda, sicut omnia alia gesta per metum; hic enim casus de beneficij renunciatione non inuenitur in iure ab hac regula exceptus sicut inueniuntur Sponsalia, Matrimonium, Professio religiosa, & alii similes actus. Si autem renunciatio fuit valida, donec rescinderetur; ante rescissionem, Titius, ad titulum beneficij promoueri non potuit; illum enim iam non habebat, sed per resignationem amiserat.

9. Secundo: Quia iuramentum metu extortum, quamvis valeat: *ex c. rerum de iure iur.* si tamen apponatur actui nullo, & à iure reprobato, non valeat *ex c. cum contingat de iure iur.* c. quamvis patrum, de pactis in 6. & alibi. Sed iuramentum, de beneficij renunciatione metu factum, valet, sicut etiam iuramentum de beneficio renunciato non repetendo; *ex c. si verò de iure iur.* Ergo signum est, quod renunciatio illa valida fuit.

10. Tertio: Quia, nullibi in iure beneficij resignatio inuenitur irritata, sed solum irritanda; *in c. enim ad aures,* non dicitur; renunciationem illam non valere, sed solum eum, qui renunciant, eidem Ecclesiæ esse præficiendum; ubi non indicatur, non debere præfici, sine noua collatione; nam ipsam restitutio, est tacita beneficij collatio. Similiter *in c. ad audientiam:* solum dicitur; renunciationem metu factam, carere debere robore firmatis. Hæc autem verba optimè intelligi possunt de rescissione per sententiam facienda. Denique casus in Clementina: multorum, de pénis; est specialis; erat enim ibi sermo de quo-

dam, qui à Domino sæculari, captus fuerat, & detentus, donec beneficium renunciaret; cuius renunciationem decernit Pontifex, esse irritam, inducens novum ius pro illâ, non verò vniuersaliter declarans, beneficiorum resignationes metu extortas, esse irritas. Decretum autem pro casu speciali, ad alios casus extendi non debet.

OBIECTIONVM SOLVTIO.

Ad rationes in contrarium facile respondeatur. Ad primam, patet disparitas. Casus enim illius Clementinæ est specialis, & propterea ad alias resignationes extendi non debet; vnde illæ solum resignationes, quæ per metum & incarcerationem, ac detentionem iniustam, factæ fuerint, nullæ erunt; aliæ verò per metum, sine incarceratione, extortæ, iuxta regulam generalem, erunt validæ, sed irritandæ.

Ad secundam: *ex tercia probatione,* 12 patet responsio; Poterit enim quis ad pristinum beneficium redire, rescissa renunciatione prius facta, absque noua illius collatione, quia illa rescissio, & beneficij restitutio, est tacita beneficij collatio; sicut, qui, cum impedimento, & sine titulo canonico, beneficium obtinuit, obtenta deinde impedimenti dispensatione, sive noua collatione, beneficium retinere potest, quia dispensatio illa, censetur esse tacita eiusdem beneficij collatio.

Ad tertiam negatur consequentia; 13 Nam, cum ille etiam sit casus particularis, extendi ad alios non debet; nec regulam generalem euertere. Adde, quod metus,

metus, in electione, magis publicæ utilitati repugnat, quam in renunciatione, & ideo Pontifex voluit, ut in electione maior requiratur libertas. Ita Nauar. in 6. accepta opposit. §. num. 1. de rest. spol. & num. 21.

COROLLARIA.

¹⁴ **C**olligitur ex dictis primò; Antequam per Iudicem, fiat resignationis irruptionio, & restitutio in integrum, renunciantem non posse licet beneficium ita renunciatum tenere, nec in eo ministrare,

aut fructus ex illo percipere, quia titulum per renunciationem amisit, & beneficium sine titulo canonico licet retineri non potest, c. 1. de reg. iur. in 6.

Secundò: Sic renunciantem non tenuerū amplius, post renunciationem, & ante rescissionem, ad horas canonicas, sed eum, cui ille beneficium renunciauit; quia hic, & non ille, absolute habet beneficij titulum, ac beneficium.

Tertiò: Si renuncians, remaneat in beneficij possessione, per triennium, non iuuari decreto de pacificis possessoribus; quia possedit sine titulo.

QVÆSTIO XLVII.

An coactio ad actum, cum libertate ad loci, vel persone electionem, eius valorem impedit.

C A S V S.

TITIVS, à Principe vocatus, precibus priùs, deinde etiam ministrinam ex Filiabus Sempronij, quamcumque vellet, ducere coactus est; ille vero duxit Rachelem, Quæritur; Vtrum Matrimonium illud fuerit validum.

SVMMARIVM.

- 2 Ad Matrimonii valorem sufficere videtur libertas solum quo ad circumstantias.
- 4 Sicut sufficit ad electionem.
- 5 Verè tamen est inualidum.
- 6 Quia est omnino coactum.
- 7 Ex eoque infelices exitus timeri possunt.
- 8 Ad matrimonij valorem, requiritur libertas circa statum Matrimoniale.

10 Ad electionem obligari quis potest à lege; secus ad Matrimonium.

11 Ad Matrimonij, ac Professionis valorem, requiritur omnimoda libertas quo ad statum.

RATIONES DVBITANDI.

Quoniam, inter actus, qui à Iure declarantur inualidi, cum multo sunt extorti, ponitur contractus Matrimonij, Quæritur; an, vt sit irritus, requiri-